



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De reformatione memoriæ. Cap. VII.

[urn:nbn:de:hbz:466:1-53148](#)

De reformatione memoria.

C A P. VII.

IN I T I V M reformationis memoriae est, Perfectio
nis huma
næ fīnes. mentē ab euagatione sua ad memoriam Dei cum labore reducere, orando, legendo, recolendo, vel saltēm superficialiter cogitando. Profectus memoriae est, bonis meditationibus & orationibus sine importuna euagatione posse intentum esse: & in latitudine cordis sui secum deambulare. Perfectio eius est, ita in Deum esse absorptum per mentis excessum, ut etiam suipius & omnium quæ sunt obliuiscatur homo, & in solo Deo absque omni strepitu volubilium cogitationum & imaginationum suauiter quiescat. Isti sunt fīnes humanæ perfectionis, & profectus, & initia, ad quæ omne spirituale studium debet ordinari. Si quis ista via non ambulat, est sicut qui ne scit quò vadit, vagus & errabundus ad incertum finem tendens. Initia cuiuslibet istarum trium potentiarum sunt omnibus communia, qui sunt in statu salutis, nec sine eis est salus. Perfectio cuiuslibet harum trium est solummodo perfectorum, quando sunt in summa perfectione, id est, in raptu contemplationis. Medius status earum est perfectè proficiētum, & singulariter respicit statum probatorum religiosorum, qui inter statum bonorum secularium & statum perfectorum sanctorū, quasi medium adhuc tenent iter. Non quia semper in eodem statu permanēt valeant, quod etiam sanctissimis vix est possibile: sed quia media via illorum trium statuum sic distinguitur ab inchoatione & perfectione eorum, de quorum profectibus aliquanto latius est considerandum. Et primo de reforma-

L. tione:

eione voluntatis: quia virtus & vitium & meritum dependet ab ea, & affectiones, quae tam ad vitia quam ad virtutes inclinant: postea de memoria, ratione, & intellectu. Voluntas est in anima quasi imperans, ratio vero quasi doceens, memoria quasi ministrans utique, illi quid iubeat, isti vnde doceat.

Quomodo naturales vires animæ & motus affectionum deformati sunt.

C A R. V I I I.

NVNC ergo breuiter intelligere oportet, quomodo naturales vires animæ, & motus affectionum in vitia deformati sunt, & ad quid dati sunt homini: postea aliqua remedia singulorum vitiorum subiungenda sunt, & virtutum ordo. Voluntas nulli debuit esse subiecta nisi Deo: nec tamē hoc coacte, sed sponte; vt possit ei ad meritum reputari. & ita poterat peccare & non peccare: non ad hoc vt peccaret cùm posset, sed ad hoc, vt si non peccaret cùm posset, ex hoc laudabilis fieret, & digna præmio apud Deum: vel si sponte peccaret, esset digna confusione & suppliciis: cùm sciret quod nō deberet peccare, & posset vitare. Item cùm facta esset anima quodcapax esset summæ beatitudinis, in qua haberet summam gloriam & summam delectationem in Deo, qui est summa & vera beatitudo, datus fuit animæ duplex appetitus naturaliter ad hoc, vt ista desideraret & studeret obtinere: & cùm obiuvisset, tanto iucundiū possideret, quanto ardentius concupiseceret. Datus fuit ei appetitus gloriæ talis, vt nulla sufficeret ei praeter summam gloriam: & appetitus delectationis talis, vt nō satiaret eam aliqua nisi summa.

Appetitus
concupi-
scibilis cur
homini
datus.